


1281001

... cum
re & Corpua
ins, cum
Eua p
In 57.6 Epioh
om. Equ
... & qu
...
com.

27 Sabl



~~Handwritten scribbles and crossed-out text~~

10 / 150 / 150

50
50

Erzählung
und viele
geschichten

C. XVII. 13



Faint, illegible markings or text, possibly bleed-through from the reverse side of the page.

Faint, illegible markings or text, possibly bleed-through from the reverse side of the page.

PANDECTÆ

IVS DIVINVM & HVMANVM,
in Eruditz Virtutis ac meritorum Areopago,

PANDENTES,

in Solennem Adorem,

MAGNO NOMINI ET HONORI;

Perillustri, Clarissimi & Admodum Reverendi Domini,

D.M. ADALBERTI IOSEPHI

JODŁOWSKI,

I. V. Licentiati ac Professoris, Clarissimorum DD. Iureconsultorum
Collegæ, Ecclesiarum; Collegiatae SS. Omnium Cracov: Custodis,
Igołomiensis ac Dziekanovicensis Curati;

DM

in ALMA VNIVERSITATE, STUDII GENERALIS CRACOVENSIS;

Magnifico, Perillustri & Reverendissimo Domino,

D.M. ANDREA

KRVPECKI,

I. V. Doctore ac Professore, Ecclesiarum; Cathedralis Cracovien-
sensis Canonico, Premykoviensis & in Niegardow Cu-
rato, Contubernij Philosophorum & Roszczeviano Provisore,
Canonizationis B. IOANNIS CANTII Procuratore, ejus-
dem Studij Almæ Universitatis Cracoviensis Procancel-
lario, & Generali ac Vigilantissimo RECTORE;

IVRIS VTRIVSQUE DOCTOR,

RITV SOLENNI,

in ECCLESIA COLLEGIATA SS. OO. CRACOV:

CREARETVR ac RENVNTIARETVR:

APPLAVSV GRATVLATORIO,

M. STANISLAO ŻRZODLINSKI,

*Philosophiæ Doctore ac Professore, Collega Minore, Ecclesiariæ
Collegiatarū; S. MICHAELIS in Arce Crac: & SS. OO. Ca-
nonico, Curato Gosprzydoviensi, Notario Apostolico,*

PRÆSENTATÆ.

Anno Condentis Legem Gratiz, Dei Hominis 1712. die Martis 1. Martij.

CRACOVIAE. Typis IOANNIS DOMANSKI. & P. M. Typographi.

PANDECTÆ

IVS DIVINVM ET HVMANVM,
PANDENTES.



Esinat antiquitas, elato jactantiae digito,
stupenda monstrare miracula.

Hoc ipsum miraculum est, miracula cessare:

& grande ostentum est, amplius illa non ostendi.

Subtilis operosaq; Priscorum solertia,
per sua arcana & sumptuosa inventa,

Hoc invenit; ut cum artificibus periret.

Pandebat artem, in nucleo, clausa Ilias;

Sed, cum sic minutam Musam Homeri ostendit,

& ipsum Clusium fatis prodidit.

Myrmecidis navis,

intra pinnas apiculæ, occultata;

ob nimiam subtilitatem,

à rabie, furentis Noti raptâ; disperit.

Thebas testudine clausas, Thebis non invenies.

Cælum crystallinum, Perfici Monarchæ,

dum simiam, cæli veri, agit;

ipso suo motu, pandit terminum, ad lapsum.

Solidi quidem Cosrois cæli apparenter videbantur,

Fluidi tamen, re ipsa fuere,

qui tam citò, cum tempore, defluxere.

Ita, quia superbè, per vitrum se pandebant;

Fata ad occultandum provocârunt.

Sic, cum humana Divinis comparantur,

et analogiam et sui naturam amittunt.

Felicius sua miracula pandit,

DIVA THEMIS,

ex quo tellus cepta coli, nonne paradoxum est,

ab una Diva orbem regi & servari?

Modicum fuit mirabili Imperatrici,

Pandere veteri orbi & dare jura;

Novum inventum, Legibus erudit,

moribus excolit, virtutibus ordinat.

O ingenium Divæ admirandum!

ex hominibus Deos format.

Nempe iusti Principes Divi sunt;

quibus illa roseo ore enuntiat:

Vos Dij estis & Fily excelsi omnes.

Cum verò omnibus gentibus se pandit in Pandectis;
digerit in Digestis;

Tibi Primane Sponse,

Perillustri, Clarissime & Admodum Reverende Domine,

**M. ADALBERTE IOSEPHE
JODŁOWSKI,**

V. I. Licentiate ac Professor Eximie.

in Codice, non modicè, in Novellis, non novellè, sed pridem.

Tandem in Canonica & Civili veritate,
totum Sacrarium cordis, pandit.

Nequit eruditæ Fronti Tuæ Vtriusq; Iuris Lauream,
in perennem Magni Nominis adorem;
quia illam tot sudoribus meruisti.

His, quibus, totus bene vertitur Orbis,
Tuæ magnitudo gloriæ crevit,

Vsq; ad augem Doctoralis Honoris,
cujus trabeata luce, doctis, Academi Cracij,
effulisti, Clarissimus in umbris.

*ceu roseo, dum Phœbus è cubili surgens
crinemq; repexens, prima vibratis radiis,
Aurea Mundo lumina fundit.*

Supposuère Dij primò nascenti crescentiq;
eruditæ Virtuti Tuæ,
Adamantinam basim,
dum.

Natales Tuos insignes,
hæc in Urbium & sapientiæ Sede Regia,
favore propitio dextroq; Sidere coronârunt,
Indolem generosam,

Ad majora quæq; altiora & laudabilia natam,
raris animi bonis Ingenijq; dotibus exornârunt,
*in omne bonum ac virtutis amorem,
in Sanctioris Astræ cultum,
pronam promptamq; mentem dederunt.*

Duxerunt Te statim à teneris, florida Majorum vestigia,

ad sublime culmen virtutis & gloriæ.
Primos artibus ingenuis annos impendens
cumq; bene didicisti, doctâ proludere arenâ,
in acie Palladis Iagellonicæ,
Philosophica redimitus tempora Lauro,
Stagyriticus Olympionices,
Quia non uni Angulo natus;
ideo ad Ecclesiastici Iuris Areopagum,
Consistorium Generale Cracoviense,
Te propensiori animo, contulisti;
ad aram Divæ Themidos, promendis illius oraculis,
flore matatis, vigorem igneum, masculi robur animi, consecrâsti,
Advertit in Te ac dilexit protinus,
optimæ & Iuris Vtriusq; capacissimæ propositum mentis,
Magnus olim Iustitiæ Mystes & Arbitrator,
Illustrissimus & Reverendissimus,
NICOLAUS OBORSKI,
Lâodicensis Antistes,
Suffraganeus Cracoviensis,
ideoq; magna de Te spondens, præfago spiritu,
traxit Te in odorem suavissimum Liliorum,
inter quæ, Te familiarem, niveo Gratiarum lacte pavit,
Mansuetudine, candore, & innocentia
Agni formam indutum.
Sic debueras primùm in luce publica,
Iudice tanto Consoq; probari,
quò gloriosior, felicior. & major evaderes,
in culmen honorum Iurisprudentiæ.
Post fervida Iagelloneo in Peripato certamina,
Secundâ coronatus Laureâ,
ad altiora Scientiarum fastigia eruditæq; Virtutis culmina;
Gentilitiâ viam signante Soleâ monstranteq; sagittâ,
in sublime ferri debere, subtilioris acumen ingenij;
cùm plurima in Olympiis Stoæ, indolis igneæ mentisq; doctæ,
laudatissima ederes specimina,
generosioris animi, stimulis actus, non moras traxisti inertes,
in Pantheon Iuris, Astræa vocante,
continuato passu regressus; continuo
Pandectas, Digesta, Decretales, Volumina Legum,
Codices Sacrosq; Canones,
tantò diligentius revolvens, penetrâsti,
quantò horum capacior Spiritus, majori inflammaretur
Amore Iurisprudentiæ. Quàm

Quàm primùm extulerat altiùs, eruditæ Virtus;
eximia decora, Animi Tui, eleganti morum
temperie, cultissimi, suavi affabilitatis illicio,
Omnium affectus, ad se trahentis;
protinus hæc ampliùs & ulteriùs extensa,
præcinxit dulci Gratiarum vinculo nexuq; strinxit amoris,
Tiarato lumine, ambiens Fascia,

Illustrissimi olim & Reverendissimi Domini,

STANISLAI à Sbazyn **SBASKI,**

S. R. I. Principis, Varmiensis & Sambientis, primò & pro-
tunc Episcopi Premysliensis,

Qui, Te, in Curiam suam, vocatum, magni æstimaverat,
cùm adverteret, oculatissimus morum Legumq; Argus,
in TE,

Singularem Juris Divini Humaniq; scientiam,
in rebus agendis, prudentiam & dexteritatem,

Publicis Te admoverat Officiis ac Iudiciis,
quibus gloriosè functus,

Dioecesis illius, bonum honestumq; auxisti
& felici, tot Curarum Curia expeditione,

gradum Tibi altiorẽ, ad Principũ amores & Honores, struxisti.

Nempe reducem, in Cracia Sacra Themidos,

Principalis Rosarum Purpuræ Fulgor

& suavissimus odor circumfundens,

Serenavit, recreavit Teq; altiori honore, fecit eminere,

Singularibus Gratijs, Magnus Tui Mœcenas ac totius

Almæ Vniversitatis Cracoviensis,

CELSISSIMVS PRINCEPS,

Illustrissimus ac Reverendissimus Dominus,

STANISLAVS

à Slupow

SZEMBEK,

ARCHIEPISCOPVS GNESNENSIS,

LEGATVS NATVS,

Regni Poloniae & M. D. L. Primas Primusq;

Princeps, Archiabbatiae Tynecensis, Perpetuus

ADMINISTRATOR,

Protunc, suppar Atlas, Sanctiori cælo, iltius Diœccis, iultentando.

Arbitro Summo placuere isti, Pandectæ;

In Tuo eruditæ Virtutis Areopago,

Ius Omne, Divinum Humanumq;

Cornucopiæ Legum, Canonum, Decretorum, pandentes:

ideoq; primum & maximum, autoritate sua,

in Te, Sacris ornando honoribus, addidit momentum,

dum, omne ferens punctum,

Sub auspiciis, Gratia, Iplius, Te promoventis,

Ecclesiæ Collegiatæ Sanctorum Omnium,

Canonicus installareris.

Doctræ præmia frontis, conferendo Pallas Iagellonica,

Ad Collegium Minus Vocato;

Viam pandentibus Superis, ad altiores,

ex Pandectis, Iuris Divini Humaniq; Honores,

majorum meritorum, ampliozem campum aperuerat,

in quo protinus, Herculeo laborum passu,

Vsq; ad palmare decus, excurristi.

ARTISTICÆ FACULTATIS DECANVS,

plaudentibus eruditæ Virtuti Tuæ, etiam illis,

qui, Epidaurio serpente, acutiùs inspexerant;

heroicos in Stagiritica Palæstra conatus

& laudabiles in Statione Academica actus.

Ita Virtus erudita, in arduo Literarum vertice,

probatisissima ac eminentissima,

oculos animosq; omnium, in se convertit,

Ceu lumen Numenq; Phoebi fronde trabens,

in Parnasso spectatissima Laurus.

Nimirum firmiorem in Te fixerat pupillam,

Alma bonarum doctarumq; Parens mentium,

VNIVERSITAS CRACOVIENSIS,

cumq; deprehendisset, in Tui cultissimi animi,

Secretiori Archivo,

Omnem Iurisprudentiæ apparatus,

non aliàs, iustiùs & meliùs, Tuos coronatura labores,

Clarissimorum Iureconsultorum Coronæ,

Te pretiis internis luceq; Sapientiæ nitentem,

inferuit gemmam,

atq; dum adverteret, Te ad majora & altiora,

promptiori animo ferri; & sponte

commodis & usibus publicis, sese devoventem,

& nondum comparandæ majori gloriæ, ponentem metas;

nondum satis reputantem, sed plus ultra mereri

& per contragola ire conantem,
æmulis in ardua succensum ignibus, mentis herosæ;
*Esse ita in virtute, multis ascensum, ut is, gloriâ, maxime excellat,
qui virtute, plurimum præstitit.*

COLONIÆ POSNANIENSIS regimen commiserat,
Electo, Digno, Generalis Megapolëos Scholæ,
ATHENÆI LVBRANSCIANI DIRECTORI;

Illi sparthæ, cum præesses, quantum profuisti,
Vigili prudentiq; moderamine, felici dexteritate agendi;
loquitur adusq;, centenis vocibus, fama publica.

Testis adest, Lux Sacra, declarat & monstrat,
Annus Solennitatis,

MAGNI POLONIÆ & ACADEMIÆ PATRONI,

B. IOANNIS CANTII;

Tuâ sollicitâ curâ, diligenti opera & sumptu impenso,
Ex Ecclesia Collegiata, B. Mariæ Virginis, in Summo,
ad Basilicam, Cathedralem Posnaniensem,
translatæ; quam, cum Indulgentiis Romanis,
quotannis celebrandam,

Illustrißimi olim & Reverendißimi Domini,

NICOLAI SWIECICKI,

EPISCOPI POSNANIENSIS,

Totiusq; Peraugusti Capituli Illius, faventibus Gratiis,
in præstito consensu & Facultate,

Gratiossimo Divi Patriarchæ Nomini & Honori Sacro,
æternâ memoriâ, consignâsti.

Auxere Nominis decus, illis omnibus longè latèq; patentibus in oris,
MAIORIS POLONIÆ,

& famam vocalem, extendere amplius continuo,
multa hoc in munere, præclare & laudabiliter gesta;
ad quæ, Te excitaverat,

heroicis virtutum passibus, antecedens
& viam monstrans Olympo,

tot exemplis meritorum & factis, Auro Cedroq; notandis;

Perillustrißis olim & Reverendißimus Dominus,

**IOANNES CASIMIRVS
SOBINSKI,**

SACRÆ THEOL. DOCTOR, CANONICVS CATHEDRAL: POSNANIEN;

Avunculus Tuus, seculorum memoriâ dignus;

quia sanctior, pro Domo Dei Hector;
pectus munitus, triplici robore:

FIDEI, SPEI, CHARITATIS;
cū Zelum, orthodoxæ Religionis & lucem veritatis,
cæcutientis Hæreseós, hostili potentiæ opponeret,
Animam Divino cultui Sacram, posuit;
pro Nomine, Honore, Gloria, Immunitatibus Ecclesiæ
& pro Aris occumbens;

Vel ideo felix ac ter quaterq; beatus;
quia mereri potuit, Lauream Martyrii.

Dotes præstantissimas, Animi Ingeniiq; nobilioris,
quibus, illam, exornaveras continuo spatham,
Actus heroicos, miram & raram felicitatem,
ad amissim, ardua quævis negotia, dextrè beneq; expediendi,
ordinate cuncta & circumspectè disponendi;
ut nunquam vota, eventus falleret.

Altum æstimaverat & magnis commendârat præconiis,
Lydius in illa Palæstra, gloriæ Tuæ Lapis,
Perillustris olim & Reverendissimus Dominus,

N I C O L A V S
Z A L A S Z O W S K I

V. I. Doctor, Actualis quondam, in Vniversitate Cracoviensi,
Professor, Archidiaconus Cathedralis Posnaniensis;

Vir omni laude ac titulis major;

cujus, Nomen, æviternæ posteri seculi memoriæ,
plaudente metro, impressisti encomiastes:

Gratulatorium epos, Doctissimo pangens Authori,
dum Editione prima, Ius Regni Poloniæ,
Luci publicæ, alter Baldus, communicaret;
Celeberrimus hic, in statu Iuridico, Irenarcha;

Te, quanto complectebatur amore, prosequeretur honore,
sunt, qui meliùs referant & fidem cum stupore evincant.

Expleto Quadriennio, in promovendo Bono Literarū publico,
exemplo & palmaribus insistens vestigiis,

Meritissimi, in Peraugusto Capitulo Posnaniensi, Avunculi sui,

Variis, tam privatim, quàm publicè, functus officiis;
redux tandem, ad Coronatum Sapientiæ Fontem,

Olympia nova, post lustrum exactum, decurrere cæpisti,
tendens ad metam, Laureati Honoris,

per asperos calles, continui meriti & laboris.

Ita magnanimos, non decet, ex facili lecta corona jugo:

Vlterioribus experimentis, in Regio Areopago,

Diva Themis, ut numeros omnes & punctum omne,

in

in Te absolveret, publicis intulit Cathedris;
ut in his, Ius Divinum & Humanum, Ius Canonicū panderes,
ipsis, Honori Nominique Tuo, plaudentibus Pandectis;
Solido Tibi Iuridicum Docus, sanctior Astræa, cōposuit nexu,
in luce Doctorum publica.

Ita Ius omne evolutum mentisque arcano consignatum,
cui usui, publico maximè necessarium, commodares,
in Iudiciis ASSESSOR,
SUPREMI CAUSARVM ARBITRI,
MAGNI ANTISTITES;

ad Consilia Iuris vocato, multa in perplexis negotiis cōmisere,
multa prudentiæ Tuæ & alto iudicio credita;
cū determinares, Iuris & æqui sententiis, approbavere.
Maximè tandem eminere fecit, revelando Tuam
profuturam Ecclesiæ, Iuris scientiam,

Intelligentissimus & Fulgentissimus Tiaratus Sol Diceccsis hujus,

CELSISSIMVS PRINCEPS,

Illustrissimus & Reverendissimus Dominus,

CASIMIRVS

à L V B N A

ŁVBIENSKI,

EPISCOPVS CRACQVIENSIS, DVX SEVERIÆ,
IAGELLONICÆ VNIVERSITATIS, CANCELLARIVS
FAVENTISSIMVS.

Qui, Te, dignum, inter subsellia Sacra censuit,
audiri ex voto, æstimari ex sententia:

ostendit pretium Tui & elogium omne, in statera,
Summi Iudicij. Principalibus Præsulis Tanti,
Foveri censerique Gratiis,

ad altiores destinari Ecclesiasticos Honores,

Tua sit maxima laus, panegyris, æstimatio.

Illustrat & Serenat, hæc Solennia Honoris Tui,
affusa desuper, aurea luce, Nominis ejusdem,
meliore sui parte, translatus in æthera;

Qui, in Te Germano Capite, vivit superstes
& posthumâ præsens adest memoriâ;

Perillustris olim & Admodum Reverendus Dominus,
STANISLAVS
JODŁOWSKI,

V. I. Doctor; Ecclesiarum; Cathedralis Premysliensis Ca-
nonicus, Collegiatæ Sanctorum Omnium Crac: Cu-
stos, in Mszana & Kolbuszowa Curatus, S. R. M.
Secretarius;

Aureus hic ramus,
fulgidus virtutibus & meritis, in Vineâ Christi;
à Te, pari similiq; gemmis racemo, fatis avulsus,
& in Terram meliorem, Regionis vivorum,
Verius ac felicius, quàm in Elysios campos, transportatus,
ut aureos, in beata æternitate fructus proferret:
quidni modò ingenti laudabilium serie operum,
flectitur in Coronam, gloriæ Tuæ?
Venit, in auxilium laudis, Nomini Tuo, debitæ;
majorum continuò coram Deo nectens meritorum Coronã,
SPONSA TVA, ECCLESIA IGOŁOMIENSIS;
Cujus Tu Præstes, Pastoralem curam gerens,
quàm bene, ut cæpisti, regimen tenere,
adusq; laudabiliter eidem præes
& vigili sollicitudine, multis impensis prodes.
Decorem Domûs Dei, quàm intensè diligis,
in luce publica, sole meridiante, clariùs patet;
dum ejusdem ædis sacræ, vetustate collabentis
& iniquiori sorte hominum temporumq; calamitate, deformatæ,
factus es, ordinatione Divina & ope,
intus & ab extra, Munificus RESTAVRATOR:
Hinc inferre liceat, in adorem Tui,
orantes in illo Sancto Loco, per Te renovato,
ac verè cælesti investito exornatoq; forma,
Te Supremum conciliante Numen,
Sentire suis propitium votis
& lætis ingeminare vocibus,
verè felices: In Templo hoc,
Non procul à Cælo, per Tua facta, sumus.

Ergo jam felici omine, fausto pede fatoq; prospero,
Illustrem Doctoratûs aggredere Honorem,
Ascende, Laureatum Iuris Divini Humaniq; Culmen,
Novam hanc Appiam, Te ducentem, in sublime fastigium,
ad Coronam & doctæ præmia Frontis,
referatam, Præsuleo consignat Pedo;

Illustriſſimus & Reverendiſſimus Dominus,

M I C H A E L

à Slupow

S Z E M B E K,

EPISCOPIVS PAPHENSIS,

Suffraganeus, Decanus, Vicarius in spiritualibus ac Offi-
cialis Generalis Cracoviensis,

NOMINATVS EPISCOPIVS CHELMENSIS; &c:

Qui, Tibi, Roseum, Purpurâ Gratiarum, pandit Serenum,
& in Aurora Honorum accendit meridiem.

Totum etiam flectere cælum, in decus & Coronam Tui,
religiosis nituntur votis, Sanctiores Vestales:
ignem, quem, continuâ fovent asceticâ vigilantia,

in triumphum, nunc desideriis succendunt majorem,

Coronando IVRIDICA LAVREA,

SVO FLAMINI DIALI.

Assurgit in plausum & ornamento Honorî Tuo,
innumeris, quia **OMNIVM SANCTORVM** Numinibus,
SACRVM PANTHEON.

Submitte jam Honorî Caput, Cælo dilectum
Supremoq; Numini Sacrum,

quod congestis favoribus & Gratiis novis,
PRÆSTITES DIVI coronant;

in quod veriùs, quàm olim, Rhodiis, nascente Minervâ,
Iovem indulſſe perhibent,

Aureum imbrem Charismatum fundunt,
rosas è Paradiso, voluptatis supernæ, Collectas mittunt,


dant & manibus, lilia plenis,


in Sertum Doctorale.

Atq; dum in hoc Sanctiori Arcopago,
Auspiciis Divis,
PRINCEPS, ORBIS ACADEMICI,
Summusq; Laurearum Præses & Arbiter,
Te Iuris Vtriusq; Doctorem creando, renuntiat;
atq; Iuridicâ Laureâ coronat,
inter festivas gratulantium voces & bene precantium;
Votum minimum Clientale, liceat inserere;
PANDECTIS, IVS DIVINVM & HVMANVM,
in applausum Nominis Honorisq; Tuo pandentibus
Ut quàm diu rotabit, apræ Polus ferientq; littora venti,
Aurea Honoris Tui ætas vivat,
Nomenq; in Archivo immortalis gloriæ perennet;
Quod Cælo ac Æternitati consignatum,
longa perpetui ducant in secula fasti,
Teq; Doctorem Iuris, Astræa,
terris, per Te redux,
Pandectis Legumq; Voluminibus,
inferat ASTRIS.



appa





14
III C
XVI. 23



624044 **Bibliotheca 12000 d.**
P.P. Camaldulensium in Bielany

Depozyt w Bibliotece Jagiellońskiej



06956

E. XVI. 23



624044 **Bibliotheca 12000s.**
P.P. Camaldulensium in Bielany

Depozyt w Bibliotece Jagiellońskiej



06956

sumos dje
ord & praec.

Lect. 1, Noct. de
fer. *Dua Miss. C.*
com. praec. & fer.

M A J U S.

17 17 Sabb: Monica Vid. &c. Vesp. de sequ. com.
Domin. & praeced.

18 18 Domin. 5. post Pasch. Erixi Reg Mart. dupl.
9. lect. & com. Domin. CR. Credo dic. Vesp.
Cap. de sequ. com. praec. item Domin. &
ent. Virg.

J U N I U S.

19 v. Octava SS. Corporis Chr. In Vesp. com.
sequ. & S. Silverij P. M.

20 20 vj. Aeschili Ep. Mart. dupl. (fuit 12. huius)
9. lect. & com. S. Mart. CR. In Vesp. com.
sequ.

21 Sabb. Ubaldi Ep. Conf. semid. (fuit 16. Maij)
in hym mut. CA. Vesp. ut in ordinat.

22 Domin. 3. Dedicat. &c. In Vesp. com. Do-
min. & sequ.

23 23 ij. Extra Cruc. Vigilia, Venantij Mart. semid.
(fuit 18. Maij) 9. lect. & com. Vigil. *Dua Miss.*
CR. & Viol. Vesp. de sequ. *sine comm.*

J U L I U S.

6 Domin. 5. in. 5. post Pent. Octava SS. Apoff. In
Vesp. com. com. Dom. & sequ.

7 ij. Cruc. Vena. Venantij Mart. semid. (fuit 18. Maij)
CR. Vesp. à Cap. à Cap. de sequ. com. praec. Extra
Cruc. Mariae Mariae Magd. de Paz. Virg. semid. (fuit

25. Maij.) CA. V. CA. Vesp. ut supra.

iv. Cruc. Mariae Magd. de Paz. Virg. semid.
(fuit 25. Maij.) Me. CA. Vesp. à Cap. de sequ.

SS. Mart